

de DEO, Summi boni practici scopo, Justitiæ Bonitatisque fonte, passim loquentem; sed & *Philosophiam Naturalem*, DEUM ut motorem primum ubique suspicientem: *Mathematicam*, formarum immobilium pulchritudinem acceptam DEO per omnes demonstrationum ἀναλύσεις ferentem: & imprimis *Philosophiam primam* omnium Entium & Substantiarum reductionem ad DEUM tanquam ad Substantiam Primam & Ens entium quasi solenniter instituentem: Ipsam denique *Analysin*, Philosophiæ genuinæ *Prodromum*, DEUM totius summi Boni Philosophici, tam theoretici quam practici, Scopum tum in proœmio statim intimantem, tum in ipso tractatu Subjecti, Principiorum, & ipsius Praxeos occasione religiosè præconstituentem. Quapropter quod vulgò de Subjecto disciplinarum formali, & consequenter de fine, dici solet, idem potiori jure de DEO intelligere licet in Philosophia reali, nempe *quod in ea DEUS ubique pariter & nullibi veniat in considerationem: Nullibi*, quod nulla ejus disciplina non nisi de DEO formaliter & immediatè agat; *Ubi-que*, quod omnes omnium demonstrationes, principia, conclusaria, DEUM sui tum fontem, tum scopum ultimum, secum involvant, & seipsis DEUM Sapienti h. e. contemplanti præsentem, annuentem, cooperantem ubique sistant.

*Nullibi dicitur
rectè subjicitur,*

Ubi-que, tam enim celebratur:

§. 7. Et hoc est illud Philosophorum Bonum, in quo naturalis & exulta Ratio semper acquiescit! hæc est illa felicitatis humanæ Summa, de qua tanquam de bono inæstimabili Sapientes nunquam non triumphant! *DEUS est*, quem contemplatione veneramur! *DEUS est*, in quo philosophando tam suaviter acquiescimus! certò persuasi, DEO, cujus majestatem affectu potius quàm opere (quid enim ipsi dabimus miseri) venerari licet, placere, si, præconcepto semper omnium perfectionum in essentiâ divinâ concursu quàm eminentissimo, quod naturæ justitiâ nobis porrò incumbit obsequium, rerum suarum contemplatione h. e. devotissimâ divinitatis hinc elucens admiratione, & hanc quovis loco sequutæ pietatis & virtutum exercitio, suæ sanctitatis

*Quod est
Summum
illud Philo-
sophorum
BONUM,*